

普
洱
府
志

卷四十八至五十
藝文志 雜著
雜志 古蹟
異聞



普洱府志稿卷之四十八

藝文志一

六經皆文也孔子刪詩書訂禮樂繫周易修春秋纂述之勤隆于往古自班氏著漢書志藝文修其篇目撮其怕意遂發後世史家之凡普洱入版圖最晚又為西南極荒遠之區古人顯紀普事之書既無其作而普人士之著述者兵燹亦不可得甚且並其書目而亦逸之吁可慨已茲編于舊志所載者刪其蕪雜所不載者則蒐而補其闕略焉志藝文

雜著

普洱府志稿 卷之四十八

藝文志一

雜著一

普洱為

國朝初開闢地僻處邊陲絕少紀載求古人之鴻文勒諸金石渺不可得也然自百數十年來賢將相經理邊防與夫守令之振興文教者往往有名篇鉅製潤色鴻業至于騷人逸士或即景抒懷或因物起興雖不盡關於政治之得失然亦有與風土人情相維繫者輯而存之未始非考證之一助也

文

報緬酋阿瓦攻車里疏

明巡撫

閔洪學

烏程

看得阿瓦車里之釁起於萬曆四十四年阿瓦欲得車里



之女召烏曰而車里予以贖者以生兵端方其被兵曾未
一字告急不獨不請救於天朝亦且未求援於鄰壤瓦兵
一至棄寨而奔致泥首受縛蓋車里在嘉靖閒兵敗於緬
而以小車里應漢載在滇志所從來遠矣夫緬當車里在
國初並六慰之一而我所稱羈縻之酋也輒因挾女細故
敢於擅兵憑陵似不容不與問罪之師但緬提古巢穴去
滇八千里而車里亦在三千里之外非若麓川之切近永
騰者昔年麓川之役用兵二十萬用餼千萬兵連十年則
今日之事以彼例此難易更未易言此不能不煩廟議熟
商然竟置之度外付之不問則緬之勢日熾一日滇之患

普洱府志稿

卷之四十八

藝文志一

雜著二

日逼一日將來亦有不可知者請詳言之在洪武初天兵
所指四裔不遠萬里遣使通貢相率賓服各假名號以示
羈縻自宣撫以及安撫長官巡檢小者不可勝數其大者
爲三宣六慰今三宣無恙而六慰安在哉以六慰言其一
緬甸宣慰司卽緬也其一車里宣慰司又一曰八百一曰
木邦一曰猛養一曰老撾爾時地醜力齊各自雄長或互
相仇殺時勝時負時滅時起犬牙相制也卽嘉靖初緬甸
爲猛養所滅其酋莽紀歲舉族皆死惟莽瑞體兄弟數人
走免入洞吾因篡洞吾借其兵力復仇日漸强大四面吞
併拓地萬里遂成尾大不掉之勢以嘉靖末年滅八百以

萬曆八年擄猛養酋思以十八年逐思遠遂滅猛養以萬
曆十年擄木邦酋罕拔以三十三年擄罕榼遂滅木邦以
嘉靖閒破老撾之境老撾已失東偏惟西偏僅存未服屬
緬然亦久不通中國是昔分之而六者今合之而一而緬
安得不大也六慰既盡勢將及於三宣又如孟艮孟定耿
馬蠻莫猛卯威遠鎮康猛璉諸夷環處我疆徼之外爲我
藩籬尙不下數十乃緬兵一臨無不從風而靡非其向化
不堅實其勢力不敵也爲今之計卽未能輕開緬蠻亟宜
聯絡諸夷諸夷分之則渙而弱合之則聚而強我未並之
則威劫於緬心搖搖如懸旌我能聯之則諸夷喜於有所

普洱府志稿

卷之四十八

藝文志一

雜著三

歸附莫不協心併力以拒緬昔緬滅木邦而不能有也以
思禮食其地滅蠻莫而亦不能有也以思線食其地所用
仍天朝原頒印信緬滅之而不有之非心不欲鞭不及也
今緬擄車里之酋未遽能有其地必將更置其酋長立所
愛者去之而車里之人未心帖也諸夷之勢旣聯則車里
之釁亦有可乘或不難相機而取事也臣等以已屬僉事
郭慶年專經理其事以本官曾備兵金騰深得夷心頗諳
緬中情形合以全副精神收拾諸蠻而一面以文告諭緬
責其退兵還地隨宜處置俟機宜另疏外謹先具實奏聞

籌酌魯魁善後疏

國朝總督

高其倬

奉天

爲詳籌永遠靖謐之策以除野賊積患事竊照雲南魯魁野賊爲害地方情節及各大頭目現就拘繫剿捕經臣另疏詳

奏在案若不趁此剿捕既施之後詳籌調劑雖目前暫安難期永遠安貼欽惟我

皇上聖神文武中外乂安乃猶

宵旰孜孜勤求治理臣荷封疆之寄千載一時何敢因循故轍苟了目前仰賴

日月之燭照不避紛更之小嫌謹隨地方形勢就臣愚昧

所知籌酌數端冀得永除野賊之患稍靖地方所有各條

普洱府志稿 卷之四十八 藝文志一 雜著四

謹臚列於後 一雲南歷來野賊頭目平時皆居元江新

平之間若一經生事官兵剿捕則遞入威遠土州及普洱

茶山等處蓋因素係伊等瓜分討保之地夷民歲歲納銀

如同租戶甚至井鹽挨日收課商茶按馱抽銀客賈裸民

任其指使供給食米傳報聲信官兵所向賊已早知消息

賊眾所潛官兵難得蹤跡所以查拏不易剿捕頗難今雖

加懲分目下暫安若不趁此安營設防爲經久之計空虛

之地廣袤二二千里內通哀牢外界異域無兵控壓必仍

爲野賊暗佔每年索保可得萬有餘金以此招養賊黨必

將復聚爲患臣細籌形勢應添設普威一營置參將一員

守備二員千總四員把總八員兵丁一千二百名今參將帶兵五百名駐劄普洱令守備一員帶兵二百五十名駐劄威遠又守備一員帶兵三百五十名駐劄茶山其餘汎地量分千總帶兵防守內制野賊外控土司再加以員弁得人整頓不怠則此一方野賊之患自可消弭矣 一野賊巢穴根株全在元江協新舊營所轄之地向來營制新舊一營止屬臨元鎮管轄與元江協無屬故元新兩處之間一有事端未言勦捕先爭交界互相推卸遲悞事機比及用兵又復參差前後呼應不靈 臣請將新舊一營及所擬新設之普威營一併皆歸元江協管轄仍令臨元鎮統

普洱府志稿

卷之四十八

藝文志一

雜著五

轄則聯絡一氣功過相關於調遣巡防均屬便利矣 一威遠土州之地包魯魁哀牢西南一面歷來爲野賊逋逃之藪野賊敢於恣肆者固由文武玩愒然亦以有此威遠一路可逃及威遠土官可恃也威遠土知州刀光煥平日苛索多端夷民苦累此次又隱藏野賊通風詭食令其實報屢檄不遵經 臣一面摺

奏拘拏一面發藩臬二司秉公詳審容 臣另行具

題外威遠土州應請改土歸流一則雲省門戶堅完再則夷民如出水火其地請設撫夷清饒同知一員兼管鹽井經歷一員兼管司獄事并大使二員分管按板抱母及各

處土井兼辦鹽斤再猛班地方離威遠二百餘里應設巡檢一員就近辦理民事令各員盡革土司歷來苛派之苦再查威遠乃極邊瘴癘又係初闢之地各員請照例揀選調補以三年爲滿如果稱職請照麗江府改流之例保題陞用以示鼓勵則新設之員益加奮勉矣 一楊方普李四姓土官向係招出賊目授以土職原期約束夷人安靖地方今既不能族舍反聽藉勢爲非

聖朝名器何可濫加查李姓土職久因犯罪革除外此次糾眾搔擾者皆方普二姓族人及其項下夷獍方普二姓土巡檢先事不行鈴束事後不能捕擒甚屬溺職查方紹

普洱府志稿

卷之四十八

藝文志一

雜著六

祖普成忠皆屆請襲之年現在請襲應請永遠停其承襲以示懲創又土縣丞楊世恩此次野賊之內無伊宗族一人亦無伊屬夷獍又親率土練隨官兵深入勦捕應仍留其世職以示獎勵 一各處既擬設官添兵則俸薪兵饌以及役使等項均需支給雲南歲歲借他省之協濟豈容更增繁費查威遠之新開按板抱母二井前於遵

旨覆奏鹽務利弊事案內計一年可出鹽二四百萬斤請以所出之鹽分銷各屬可以平減通省鹽價今黑井已經加脚減價白井已有沙滷分銷景彌雲阿四小井其價原不過昂惟琅安二井之鹽消售於臨安等處者其價稍貴

今又有新經查出麗江之并可出鹽息二千一百餘兩將此減抵其價亦平除於鹽政另行具

題外查按板抱母二井從前爲野賊及土官土棍所踞不但無分釐歸公兼之野賊搔擾商販亦裹足不前今經驅除整頓商販流通計一年約可出鹽四百餘萬斤可獲息銀二萬餘兩以充兵饗可以不用另行請增再普洱一帶又報出土井數處向亦因野賊阻撓擅利自肥今現陸續清查整理可將所出一併添助創設之費至兵米一項元江威遠普洱皆產米之鄉應就近籌撥可也 一施和尚之姪賦勒糯利糯片等向來亦非安靜之人此次施和尚

普洱府志稿

卷之四十八

藝文志一

雜著七

被殺賦勒等皆隨官兵奮勇搗捕賊黨頗爲盡力應寬其既往但若縱令仍各居遠寨漫無稽查亦恐將來滋事臣請將賦勒糯利糯片等並其妻子皆令移入元江府城居住凡有出入皆報明文武官庶該管各官得以稽查拘束而夷日本身家口俱在城中知所顧畏必不敢爲非矣 一威遠土官刀光煥及其犯事子弟將來若仍令留居故土必致鼓惑滋事請將其家口移至省城安插臣酌量料理給以恆產俾令得所則萌蘖不滋釁端俱息矣 一向來元新一帶猺夷習於討保之風其頭目每年所得成千累百名日年例錢其後生每年出外一次亦各得二四

兩名曰鞋腳錢且所到之處醉酒飽肉滿意而歸利之所
在趨之若鶩更兼元新各寨多係各目故居其餘零星小
寨亦各有頭腦耳濡目染以爲徒手可以致富常思起而
效之若不嚴加防範難必其故態不萌查各野賊出入有
地討保有時九龍江口是其入土司之要道請於九龍江
口相近扼要之處及各渡口俱設汛盤查或江外之夷獠
欲往江內江內之夷獠欲往江外者皆令該管官給以印
票載明人數如山海關之例往還按數稽查即茶山客商
及官弁所差兵役俱一例盤查以嚴出境滋事之弊再元
江新平所屬村寨俱令地方官仿保甲大意編立里甲記
普洱府志稿

卷之四十八

藝文志一

雜著八

其人戶名口歷來野賊討保必在秋成之後請每年令地
方官於十月十一十二正月四個月之內不時親往稽查
如出外者多係索保務行跟究懲處不令稍有脫漏則要
路之出入既嚴地頭之稽查又密形格勢禁自不敢爲非
行之既久積習漸除餘患自消矣 一威遠土州向來土
官不容夷人應考恐其入學與之抗衡又同族爲婚者甚
眾倫紀未明除同族爲婚已飭該管官諭禁 臣又與撫 臣
楊名時嚴飭各員勤講

聖諭加意化導以變獠俗請再於威遠設立義塾數處令
夷人子弟有志讀書者入塾誦習先暫令於元江附考請

勅學臣就其粗通文義者量於元江額外取進二三名以示鼓舞俟人文漸盛再請設學庶裸俗自變文明日啟矣

一威遠土州向來差發甚少其田土所出盡爲土官苛派入己今臣已令大理府同知佟世蔭守備楊國華將其田畝及各項錢糧逐一清查凡有土官額外苛派之項行令盡數裁革其應增納正額亦令酌照地之肥瘠更定賦額以資經費再查得威遠普洱九龍江等處土田之美大勝雲省腹內之地其山頂多水其禾一年兩熟然猶拋荒甚多者一以土夷人少不能遍耕再因野賊騷擾歲無安宇若使土田盡闢不但軍糈足資更可化爲樂土其閒尙

普洱府志稿

卷之四十八

藝文志一

雜著九

有可開設州縣之處但目下人戶稀少江邊烟瘴未消未可驟言應籌之以漸臣已與撫臣楊名時令各地方官加

意勸誨本處夷民廣行耕植又令招徠別處誠實願墾之民赴彼墾種請照雍正元年定例旱田十年墜科庶人烟漸感嵐瘴自消居民愈多則賊風愈息矣 以上十條臣

就一得之愚籌酌調劑謹會同雲南撫臣楊名時提臣郝

玉麟合詞具

題伏乞

皇上睿鑒勅部議覆施行

籌酌普洱思元新善後事宜疏

國朝總督

尹繼善

爲敬陳邊地垂久事宜仰祈

睿鑒事竊照普思元新一帶自雍正十年逆夷悖叛擾害邊疆仰蒙

皇上天威遠播訓示周詳選將調兵嚴搜痛剿人民咸得安堵地方悉已靜謐經臣具疏

題報在案但邊境險遠界連外域處處深山密箐在在蠢獮頑苗撫綏固應詳籌防範尤當嚴密一切營汛建制事宜亟須乘此平定之後以爲一勞永逸之圖臣與撫提諸臣悉心商酌因地制宜量爲增改逐條臚列爲我

皇上陳之一攸樂營汛官兵宜移駐思茅也安營設兵普洱府志稿

卷之四十八

藝文志一

雜著十

務期有用天時地利均要得宜查攸樂爲普鎮右營孤懸瘴地僻處萬山水泉微細食用艱難兵丁多係單身最易逃走人人視爲畏途更難招募自攸樂至思茅相距甚遠在在深山險箐塘汛兵孤勢難存立一遇有事聲氣隔絕思普之兵不能及時應援即太平無事而烟瘴甚盛水土惡劣兵丁多致傷損其存活者亦皆疾病纏綿筋力疲弱難以彈壓地方臣在京時荷蒙

聖諭令將三省事宜與大學士鄂爾泰悉心商酌鄂爾泰即以攸樂營基未妥囑臣另籌臣細查形勢與撫提諸臣再四斟酌攸樂一營必須改移雖前經同知郭綸議詳改

建於攸樂箐口已據報完成工五分旋遭兵火究之與攸樂相去不遠烟瘴亦盛終非長策查思茅地方高爽水土和平北接普威南控江壩實爲形勢之要自宜將攸樂一營撤歸思茅將右營遊擊移駐統領並將攸樂同知亦移駐思茅與遊擊同城改爲思茅同知換給關防將思茅通判一缺裁汰車里江外各猛地方係宣慰司管理所有錢糧責成徵解其攸樂茶山一帶總屬同知管轄錢糧俱隸徵收庶控制得宜兵民均有所裨益 一普洱郡城宜添知縣一員以資治理也普洱居滇省極邊之地幅幘甚廣料理需人原設知府一員事無巨細俱係知府管理雖設普洱府志稿卷之四十八 藝文志一 雜著上

請

欽定佳名鑄給印信以重職守 一普鎮三營兵丁宜酌添也普洱全境縱橫綿亘約計六七千里額兵二千四百名除親丁公費及分佈塘汛外存城之兵甚少前歲猥賊猖肆兵力單弱守戰不能兼顧及調兩迤官兵路遠奔馳

而賊勢蔓延地方已遭荼毒是設兵不足猶之乎無兵也
但增兵太多又慮山路險遠糧運維艱今再四斟酌每營
必須添兵一百連原額計算每營各九百名三營共二千
七百名庶極邊遼濶之地可以守禦有資矣 一三營汎
地宜籌酌妥當也查普鎮中營原設等角通關哨兩大汎
左營原設抱母鎮沅新撫恩樂四大汎右營原設猛旺思
茅兩大汎又中營原設整董一小汎左營原設猛班二圈
二小汎右營原設猛旺倚邦猛烏慢林猛養五小汎凡小
汎兵丁每處或四五十名或二三十名離營寫遠散碎零
星平日徒作踐夷人有事即先遭殘害况多分小汎大營

普洱府志稿

卷之四十八

藝文志一

雜著三

兵單欲調動則前出後空欲分應則顧此失彼前車之鑒
歷歷可指是兵勢散而無濟不如合而可恃也應將三營
之整董等小汎一併撤歸大營以壯聲威以收實用至於
三營大汎又有當詳加斟酌者中營通關哨一汎界在把
邊阿墨兩江之中實係元普咽喉應撥中營守備一員把
總一員外委把總一員帶兵二百名駐劄又把邊渡口亦
關緊要應於通關哨兵內撥出外委把總一員帶兵五十
名駐劄遊巡江崖等角一汎接壤元界之里仙江實係夷
獠出沒之地應撥外委把總一員帶兵五十名駐防此外
尚有兵六百五十名遊擊一員千總二員把總三員外委

千把四員隨總兵駐劄普城又左營遊擊原駐威遠守備分駐鎮沅今查威遠地方烟瘴甚盛鎮沅爲適中之地風俗強悍較威遠緊要應將遊擊移駐鎮沅與知府同城以千總一員把總一員外委千把二員兵三百名隨遊擊駐劄以把總一員外委把總一員帶兵一百名駐防恩樂內抽撥三十名令外委把總帶領分駐三家坡防守以把總一員外委把總一員帶兵一百名駐防新撫內以隊目一名帶兵十名於界牌安哨稽查其威遠地方以左營守備一員把總一員外委把總一員帶兵二百五十名駐防內以把總一員帶兵一百名分防抱母井其左營原貼防攸

普洱府志稿

卷之四十八

藝文志一

雜著

三

樂兵丁一百五十名令千總一員外委千總一員帶領隨總兵駐劄普城又右營原駐攸樂今撤歸思茅應令遊擊一員千總二員把總二員外委千把四員帶兵五百名駐劄思茅查猛旺一汛距思茅二百里若原有攸樂一營自宜於此處設汛以聯聲勢今攸樂既撤則猛旺亦可不必設兵惟由普簾猛旺茶山直抵九龍江一路飭令各土弁沿途接站設立土塘遞送公文又班鳩坡係思普咽喉應撥把總一員外委把總一員帶兵一百名駐劄班鳩坡保固道路此外尙餘兵二百名令右營守備並把總一員外委千總一員帶領隨總兵駐劄普城統計總兵帶遊擊一

員守備一員千總二員把總四員外委六員馬步兵一千一百名駐劄普城則官員兵丁力量充足無事可以壯聲威有事可以供調遣仍令各營汛員弁每月撥兵五十名於連界各路彼此會哨一次換旗巡防不許騷擾多事庶營勢謹嚴兵力整齊可以緩急足恃矣 一普洱地方遼濶宜慎選土弁管束以專責成也民人錯居皆有鄉保約束夷獠雜處務須土目稽查內地之土目必當削其事權而邊境之土目又必使有專責查江外各猛地方已有宣慰司刀紹文及土弁刀細悶納保守以爲藩籬雍正十年逆夷蠢動江內江外到處煽惑是時刀紹文年尙幼穉未

普洱府志稿

卷之四十八

藝文志一

雜著 四

經承襲紹文之母刀氏同土弁刀細悶力拒妖言率眾堵勦辦理糧運保固江防實屬深明大義懋著勤勞仰懇聖恩應否比照烏蒙案內隴慶侯之庶母二祿氏四川沙罵土司沙氏之例給與封典並賞給刀細悶納土守備職銜以昭獎勵至江內之六版纳及茶山整董烏得白馬山六困一帶幅員遼濶山深箐大且烟瘴甚盛既不能處處設兵在在置官若不令土目分管漫無責成地方難以安謐今通盤籌畫除猛烏易武小猛養舊有土弁召匾乍虎叭干無容另議外查普籐土千總刀猛比深明大義始終效順隨師搜剿歷著勤勞應賞以土守備職銜將猛旺及

糯竜等二十四村寨責令管理其茶山倚邦一帶均係窩
泥查有倚邦土弁曹當齋爲人誠實隨師剿賊勤勞素著
應將倚邦茶山責令管轄整董亦屬扼要之區自土弁召
第於叛案內拏解地方無人鈐束查有土目召音隨師奮
勇實屬出力應給土把總職銜管理整董再猛腊地處極
邊與外域接壤最爲緊要彼地頭人召糯極力堵禦辦運
軍糧甚屬急公效順應賞給土千總職銜以示獎勵責令
保守邊境至白馬山六困整控一帶原係土弁刀輔國管
理查伊兄刀與國不法律應連坐但與國謀叛輔國實不
知情一聞蠢動即報思茅文武協同守城又著伊妻防護
普洱府志稿

卷之四十八

藝文志一

雜著

五

倉糧以資兵食後經發往效力贖罪輔國奮不顧身實心
出力擒獲賊首並將白馬山一帶夷民全數招安甚有功
績應賞還土千總職銜仍令管理地方必能格外感恩以
圖報効再攸樂營汎既撤其三十六寨需人管約據宣慰
司刀紹文及各土弁公保以竜墳管理窩泥寨喇鮮區分
管蒲蠻寨俱皆誠實可用宜令管理其餘以日火頭俱擇
勤慎老實者分派充應仍不時嚴加稽查果能實心効力
自當酌加獎賞如有多事滋擾即當拿究另行更換此並
非以久經歸流之地而反責成土目蓋地方總係流官管
轄土目不過分查地方惟以土目管土人仍以流官管土

自庶窮山僻壤瘴癘險阻之區莫不各有責成各有約束
地方文武止須提綱絜領彈壓撫綏則事不煩而民不擾
似亦治理邊夷之要道也 一普洱府治宜改建石城也
普郡地處極邊接壤外域實中外之咽喉滇南之門戶既
設鎮府必資城郭現在雖有土城一座但土性浮鬆一經
淋雨易於傾塌殊非久遠鞏固之計且易啟蠢類覬覦之
心應請改造石城方足建威消萌其思茅土城應再修葺
堅固並於四面添築礮臺鎮沅城垣亦日久傾圯應一併
修築則捍禦有資邊疆永賴矣 一官員販賣私茶兵役

入山擾累之弊宜嚴定處分也思茅茶山地方瘠薄不產

普洱府志稿

卷之四十八

藝文志一

雜著 六

米穀夷人窮苦惟藉茶葉養生無如文武各員每歲二三月間即差兵役入山採取任意作踐短價強買四處販賣
濫派人夫沿途運送是小民養命之源竟成官員兵役射
利之藪夷民甚爲受累前經陸任督臣鄂爾泰

題明禁止兵役不許入山臣等又將官販私茶嚴行查禁

但不嚴定處分弊累不能永除請嗣後責成思茅文武互
相稽查如有官員販茶圖利以及兵役入山滋擾者許彼
此據實稟報如有徇隱一經查出除本員及兵役嚴參治
罪外並將徇隱之同城文武及失察之總兵知府照苗疆
文武互相稽查例分別議處庶官員兵役不敢奪夷人之

利而窮黎得以安生矣 一攸樂一帶之鹽課宜寬免也
查磨者烏得整董猛烏四鹽井皆在極邊烟瘴之鄉與普
洱府治相隔甚遠春夏水發味淡惟秋冬可以煎鹽爲數
有限附近山多箐密夷人罕事耕種專藉此鹽零星負賣
易米資生雍正七年閒於籌畫普洱建置事宜案內

題請添設大使二員駐劄猛烏整董督煎辦課仍以瘴威
不能往并將大使裁撤令夷人認課銀二千兩自夷人認
課之後獲利輕微生計不贍雍正十年閒逆夷叛擾塞井
毀竈附近諸夷奔逃四散井地一空是以雍正十年十一
年分課銀無出經撫臣張允隨會

普洱府志稿

卷之四十八

藝文志一

雜著七

題請免現據鹽道張無咎具詳設法招徠尙在畏懼不前
無人煎辦臣思課額虛懸總於

國帑無益錢糧有限不如恤惠窮夷仰懇

聖恩將原定認納課銀特賜豁免仍賞夷人煎售庶各安
心復業而兵火之餘得以生計有賴矣 一就近歸併村
寨以便管轄也地方界限最宜劃清若隔裂窻遠勢必稽
查難周如元屬善政里豬山者鬼布林腊猛三鄉及上下
猛緬猛松左戛又惠遠里之磨鋪薩等糯那阿扇那補怕
南害等寨地近普攸距元十站二十站不等相隔遙遠難
以管轄應將前項村寨歸併普洱管轄仍選委土弁目就

近分管又查元屬惠遠里之西薩猛列地方離元江五百餘里路甚遠應改屬威遠管轄又有鎮沅府屬之壩朗壩本壩痴三寨去鎮沅九站去元城止二百里應割歸元江管轄不但稽查甚便即一切上納錢糧充應夫役不致有遠路奔走之苦矣 一威遠宜歸鎮沅管轄也查鎮沅一府戶口無多止轄恩樂一縣事務簡少威遠附近鎮沅向設同知一員經歷一員不隸府轄聲勢殊不聯絡應將威遠地方改歸鎮沅府管轄原設之同知改作鎮沅府分防威遠撫夷清饒同知一切刑名錢穀事務照大關同知之例仍令辦理由府稽查核轉換給關防以昭信守其原設

普洱府志稿

卷之四十八

藝文志一

雜著六

經歷一員應行裁去改作鎮沅府知事一員仍隨同知駐劄威遠以供任使一應養廉役食衙署等項俱應仍舊毋庸增減其威遠生童向附元江府學今威遠既議改歸鎮沅應將附入元江府之生員歸入鎮沅府學嗣後生童俱歸入鎮沅府學考試以廣造就再鎮沅府屬之新撫地方爲元普咽喉自恩樂至普洱中隔六站運糧解犯往來必經必須專員料理請設新撫司巡檢一員鑄給印記駐劄新撫稽查逃盜賭博專司巡緝及往來運解事務庶佐理統轄各有責成治理得收實效矣 一元江營制宜酌量增改也查元江四面夷疆幅幘遼濶實屬居中扼要之所

從前設遊擊一員兵丁八百名營制單弱沃地零星難資
控制茲當地方大定之後自應亟爲籌畫以期永固邊圉
請將該營遊擊裁去改設參將一員添設守備一員把總
二員兵丁四百名拔外委把總二員同原設之守備一員
千把總六員外委千把總六員兵丁八百名分爲左右二
軍仍隸臨元鎮兼轄其參將一員帶左軍守備一員把總
二員外委千把三員兵丁五百名駐劄元江府城防守彈
壓分佈塘卡他郎地方乃元普鎮威通衢實屬要區原經
建城設汛但汛兵單弱今應以右軍守備一員帶把總一
員外委把總二員兵丁三百名與他郎通判同城駐劄又
普洱府志稿 卷之四十八 藝文志一 雜著 九

阿墨江口乃元普咽喉應以把總一員帶兵五十名防守
渡口與他郎通關哨相爲聯絡又因遠地方甚爲扼要應
以外委千總一員帶兵五十名防守與他郎大汛相爲犄
角又邦轟一汛路通元新應以千總一員外委把總一員
帶兵一百名防守內以外委把總一員帶兵三十名分防
谷麻江渡口又老烏山爲元新等處出入要隘應以把總
一員帶兵五十名駐防內以隊目一名帶兵二名輪流更
換稽查南戛渡口又馬鹿塘乃省會咽喉爲揚武壩青龍
廠適中之地應以把總一員帶兵五十名防守又永豐里
之豬街地方四面通達甚屬緊要應以千總一員外委把

總一員帶兵一百名防守並令不時酌撥兵丁於壩罕一帶遊巡稽查其各汛應設塘卡各令照界安設仍令各照地界按期遊巡會哨則佈置謹嚴聲勢連絡庶無零星單弱之虞其原設之土夏汛瘴癘甚感難以駐兵界牌新寨歸普洱鎮設汛防守白土坎相去豬街不遠壩罕汛亦與豬街連絡磨沙河與老烏山聲息相通均毋庸設汛又元城長巨臨江無險可恃應於東南各築礮臺一座西北各築礮臺一座以施槍礮其他郎城已新築礮臺素無大礮查於敬屬言等事案內業將省城存局得勝發貢大礮酌撥八位分發元江今應令存貯元城四位分貯他郎四

普洱府志稿

卷之四十八

藝文志一

雜著

三

位庶資守禦

一新平官兵防汛亦宜增改以資彈壓也

刪

一元新土目宜禁止擅管地方以杜擾累也

刪

一

調用鄉練宜用文武印牌也查土練皆係百姓並非土目私人非奉官調不應擅動歷年調用土練大抵土目自傳木刻者居多行之日久恐正偽不分姦徒易於鼓惑應請嗣後調練務以地方文武會銜印牌爲憑不許土目擅自私調並遍行曉諭大小村寨鄉管頭人如有土目不奉印牌以木刻小票擅調鄉練即赴文武衙門具報以憑嚴拿照擅調官軍律治罪如鄉管火頭通同隱匿一併究處地方文武失於覺查並行參究則土弁目無權可操實屬防

範之要道也 一臨安府屬石屏州之寶秀地方宜築土城以資捍衛也 刪 一防汎要地宜籌捍衛也查普思元

新形勢遼濶設汎之處大抵離城寫遠地居扼要若止撥兵駐劄而不設險防範猝遇有警汎兵多者百餘少者數十不比大營究屬單弱難以守禦應於現議設汎處所擇其尤關係要者或築土堡或建木城汎兵駐劄其內庶防守有資賊人不敢覬覦其各塘汎弁兵應近則按季一換遠則半年一換以免攜帶眷口之累且勞逸得均可以輪流操演至增兵設汎各處均宜建造衙署營房以供棲止統俟委員同前議應修應建城垣礮臺一併確勘估計詳普洱府志稿 卷之四十八 藝文志一 雜著三 核月

題以上一十六條就 臣等愚昧之見勘酌調劑以副我皇上慎重邊疆奠安黎庶之至意其普洱一鎮元江新舊兩營現添兵丁九百名應照馬一步九添設但共凡標鎮協營額兵均難抽撥而悉行招募又多糜費 臣等悉心籌量查滇省督 臣衙門向有隨丁名糧一百分撫 臣衙門向有隨丁名糧八十分經前督 臣

奏明在案今軍務全竣賞費無多 臣等養廉儘足敷用應案照營制將 臣標隨丁內撥出馬一步八兵饗一百分撫 臣親標隨丁內撥出馬一步九兵饗八十分以充普洱等

處新添兵餽又查雲南奇兵營原設馬兵一百八十名步兵四百八十名守兵二百四十名與滇省各營馬一步九之制不符且滇省跬步皆山無需多用馬匹應將奇兵營照例改作馬一步四守五營制其減出餽乾銀兩亦撥作新添兵餽是雖有減撥之名營伍仍係充實錢糧又可節省其餘不足之數另行招添合併陳明是否有當臣謹會同雲南巡撫臣張允隨雲南提督臣蔡成貴合詞具題伏乞

皇上睿鑒勅部議覆施行

觀風約

迤南兵備道魏元烺直隸

普洱府志稿

卷之四十八

藝文志一

雜著

三

照得士爲民表言本心聲考憲臣之舊軌爰紀采風慕參政之遺徽聿嚴親課維茲迤南勝地丹澤奧區象應天鐔上啟文明之兆壤臨坤位早占人物之華玉屏聳峙乎千尋光分太乙阿墨潑洄而九折秀挹金沙俯川嶽之鍾靈徵人文之蔚起矧

皇上敦崇儒術廣益膠庠椎結卉衣亦樂躬親夫爾雅家絃戶誦何論地限於遐荒匪徒翫月山頭紀騷人之逸韻讀書臺畔緬學士之風流已也本道侍直北廳惟恪承夫家學分符西晉期無負乎初心茲荷

恩綸來宣斯土愧乏經猷以保障志懷冰淵竊歆韻事於

詩小雅之什曰菁菁者莪在彼中阿序曰菁菁者莪樂育材也君子能長育人材則天下喜樂之矣朱子集傳曰美文王作人之德也予顏草堂而繫以菁莪者亦猶乎小雅之意以副我

聖天子壽考作人之化而欲相勉以稱職也况普洱地處極邊聲明文物雖遜內地然土樸而實風氣較厚無畸衰浮靡之習子衿城闕之風董之以三物六行實順而易如木然其柯幹既材且直而堅多心又無拳曲癭瘤蝨朽之病加之以斧藻則棟樑榱桷各適其用故周之作人菁莪之後繼以棫樸其因物起興之義則一也嗟乎廣文一命普洱府志稿

卷之四十八

藝文志

雜著

三

之士而職之所寄如是則登斯堂也當如何講讓型仁爲多士率而不徒如杜陵之浣花香山之廬山崔氏之東山魏野之東郊僅以嘯傲煙霞流連詩酒爲事也

甯邑義舉四十分擔公租記

池南道

陳燦 貴州

甯洱士民與磨井竈戶互控久矣歷十數年訟蔓轉不
清其間奔走於道路匍匐於公庭需索於刁棍蠹役請託
於權門要津勞民傷財未易更僕數訟之爲累甚矣哉光
緒十三年前代理池南道唐公集案訊結斷令於磨竈現
辦三百分擔外再加四十分擔以十分擔作甯邑義舉以
三十分擔歸甯紳等備本煎熬原議照費銀一萬兩仍飭

徐生之品青銅錢張鷟之才措大荒經縱難塗乙覲覲諦
視猶可識丁惟是學比爲山書如觀海吏部韓公之賢裔
謬改金根夾漈鄭氏之通才未知玉格數西都之方物比
目僞傳搆海賊之奇文熬波不道許叔重誤稱周燕蔡君
謨不識彭蜺雖有智者千慮一失之可虞豈無他人真入
索九邱之能讀莫安於淺者見淺當共思精益求精慚予
一二載綱官未免綳孩之倒借此一枝不律奚妨成竹而書
磚緣引玉而拋金許披沙以揀幸勿鄙毳衣之屬俗未可
醫請一嘗晶飯之羹淡而不厭茲擇於本月十九日試興
公之金石問百藥以瑯琊錦繡佳篇毋曰不吾知也宮商
普洱府志稿

卷之四十八

藝文志一

雜著

三

雅奏敢曰其孰能之顧一一其吹竽細爲審察豈烏烏如
擊缶不足聽聞將月旦以親操却雷同之未許此日文壇
樹幟齊抒吐鳳之才他年

禁苑看花盡是登龍之客勉旃特示

普洱府建學碑記

雍正十年

學政孫人龍

普洱爲古西南夷極邊地歷數千年並未內附迨我

朝平定全滇土酋歸命旋以叛伏誅由是始隸元江繼設

普洱府雖其地故患瘴癘而山川形勢實稱扼塞前此棄

置徼外使千里幅幘坐成榛莽今則建治備兵遂爲極邊

重鎮且設學課士不鄙夸其民嗚呼盛矣

國家聲教綦隆戒休董威靡遠弗屆先是雍正壬子春
天子下明詔建學宮庀材鳩工經營伊始旋以夷變未告
功成迄己卯乃報竣焉夫維皇降衷厥有恆性固未有不
樂於從善者况天地清淑之氣蜿蟺磅礴鬱積而鍾毓無
論遐阻僻壤亦必有野處而不匿其秀者出其中第所聞
普洱之民終歲衣食仰給茶山既家鮮蓋藏又性多頑蠢
往往崇信巫鬼未革夸風然則上之所挾以興道致治者
顧可無其具與抑默爲轉移以化民成俗端有賴於文教
矣余識學此邦普洱士子附試景東未嘗一至其地廣文
陳君曰盛爲余言郡學宮在城南外面向南左右與河旋
普洱府志稿卷之四十八 藝文志一 雜著 五
繞南則仁壽山北則鳳凰山東則錦袍山西則天碧山羣
峰聳峙若環拱然宮之後紅蓮一池芳信襲人其東偏爲
司訓官署又建奎宿閣於明倫堂前曩地靈斯人傑庶幾蔚
然興起上應重道右文之盛治乎陳君老成持重堪爲人
師向者修建時偕郡經歷張君明始終督理樂觀厥成故
能言之詳云

五薇堂記

乾隆四
十一年

迤南兵備道

王

鑾

歸安

今上御極之三十有九年余官內閣侍讀冬十有一月癸
未奉

命擢授雲南迤南道乞假由籍之任其明年秋八月丙子

抵駐紮之普洱府城官署受印普洱爲古產里地唐時蒙氏世居哀牢山於六詔中最強卒并諸詔蠻又有因遠部威遠險等名夷考其地尙皆在普洱以內數百里是以府距會垣最遠鼎革初車里宣慰司刀穆禱率土投誠錫封舊職領十三版納土司自元江以南各治其部雍正七年改土歸流始置普洱府屬迤東道諸土司皆奉政令均徭納賦如例以故民多獯獯言馱文殊其隸漢籍者率江楚服賈僑居之輩亦甚稀乾隆三十年閒莽匪滋擾九龍江內外八猛夷境半遭蹂躪致煩

王師數年始熄乃以迤東道遠在尋甸幾二千里控制慮

普洱府志稿

卷之四十八

藝文志一

雜著

六

弗周議增設專員彈壓統轄普臨鎮元四府州其屬廳州縣凡十有四迤南道之設自此始爰定歲例孟冬調集兵練駐邊邏守以戒不虞至來年仲春乃撤凡防政隸道及普洱鎮會辦余蒞任之日將屆防期徵調饋運並需經畫冬春之交兩次赴茨通一帶巡閱不遑安居又明年防旣撤逃夷刀維屏投歸邊境安謐自春徂秋在普視事解宇閱歲久將圯亟謀鳩庀規署之左偏廢圃隆塏處築室三楹以爲延集賓僚之所庭前有紫薇五株並奇古花時霞絢綺交尤爲擅勝因以顏其額云斯堂也制樸而完境幽而厥竹石錯於中除煙嵐通於北牖雖在城市中蕭然有

出塵之致焉至於炎曦委照紫萼續紛獨坐凝眸神清意適則又如身在玉堂濡毫忘倦時也雖萬里而遙不啻凜天威於咫尺矣堂經始於八月既望不市月而落成綜土木之工百六十有奇財不傷而忘其勞亦爲政之一端也是爲記

進雲南種人圖說

國朝雲南總督 伯麟

謹按滇省東南臨安開化廣南三府皆壤接越南卽昔之交陞水陸可通其國自易世後聲教漸被獻琛恭順三郡之閒在昔民稀土曠川黔楚粵以就墾至者爲多耕鑿既眾不能保無良莠之滋惟恃保甲稽核勿弛銜轡嚴疆靜普洱府志稿卷之四十八 藝文志一 雜著 三

謐安內卽爲攘外要圖又按正南臨安元江之西普洱一郡東界南掌卽昔之老撾其國土狹民寡地逼暹羅恭謹自保無敢驚桀郡之思茅廳東南與暹羅西南界緬甸緬甸之閒爲夏于臘夏夷本屬於緬甸以其民萬眾棄緬歸附暹羅嘉慶壬申癸酉之閒夏夷與緬相攻擾及車里土司界內暹羅恐犯

天威將夏夷遷徙東去數百里外其餘眾二千餘人憚於遠徙又復棄暹羅歸緬甸緬甸年已耄昏其大目有四曰四大萬互爭權勢國事方淆卽以此夏人屯耕孟良密邇車里土境其眾犬羊反覆其地瘴癘鬱烈緬暹構爭相尋

未已皆蠻觸自衅不值撻伐揚威昔曾增設營制於土司
境內以瘴不可駐而罷惟拊循車里宣慰司俾得專力保
聚訓練儲饒固圉自強藩籬既壯窺伺不萌門闥設守於
斯爲要自普洱府思茅威遠兩廳以西順甯府緬甯廳雲
州以南車里土司之西耿馬土司之東孟連土司之北爲
猓黑夷眾所窟穴鼠伏狼貪齒繁食阻自逆曾張輔國伏
法以後震懾

聲靈罔敢再蹈覆轍族眾雖多勢未滋蔓特其性本狙獷
素不知食力治生剽奪爲常革心不易則宜外勵土司內
倚將吏嚴兵集練有擾必懲設防聯勢樹不可犯之威孟

普洱府志稿

卷之四十八

藝文志一

雜著三

連耿馬阨之於西南不使與緬合車里阨之於東南不使
與戛合地勢孤弱自沮邪謀懷我好音道可馴致又西則
永昌一郡與順甯皆界連緬甸順甯外接木邦內隔猓夷
永昌則外接蠻莫木邦內隔野人緬人不能跨猓黑越野
人而連內界考野夷昔皆劃居八關以外自乾隆三十四
五年以後始漸遷關內孳息日眾不可復驅其性情亦略
類猓黑但猓黑一日能統數十寨野夷則數十戶皆爲一
寨有一寨即自置一長皆名爲野渙散無統良悍不齊悍
者剽劫殘賊不可誨諭但知怛威不知感德但可鷙剿不
可犁埔先孤其黨後殄其渠殲一懲百能使知懼惟其巢

穴皆在酷瘴之鄉恃以爲固霜降以前不可輕涉雨水以
後春瘴又興山山可潛路路可竄兵威則獸散延喘兵旋
則狼狽爲奸大舉既慮虛勞長圍又難驟合頓兵非計奔
命損威惟有責成守土帥臣假之事權簡兵礪銳以待猝
征責成守土長吏寬其籌備募練選謀以稔夷情安撫淳
良專職盈貫又在策勵隴川干崖諸土司眾效腹心稟承
調度斧鉞之討既深潢蛙之氛自靖此諸郡邊隅機要移
步換形有未可一律論者倘若廣西州之沙人北界黔苗
麗江府之獠獠西通衛藏以及臨安之窩泥夷民諸種雖
有上干

普洱府志稿 卷之四十八 藝文志一 雜著 五

國典旋就誅夷要其種類莠少良多與裸黑野人之性情
不侔但得稽查無怠撫馭得方買犢銷鋒無虞蜂蠆矣

他郎新建 文廟序 道光三年 通判 王定柱 直隸

太史公述帝王稱本紀述古聖賢奇杰皆以列傳獨讚系
至聖孔子稍變本紀例作世家示伊古聖喆尠得比隆意
今洙泗廟堂裸將念祖千萬禩益綿懋勿絕而率土之庠
序俎豆幅幘九有莫不尊親故

至聖以萬世之世爲世以天下之家爲家凡負陰陽含性
質者孰自外焉矧際

國家

聖教昌明

天子面稽六籍祇敬 宮牆守土之吏春秋恪舉祀事雖
十室莫已皆得輸將誠敬儼然陟降獨他郡壤土數百里
守土吏秩崇於令丞顧未及締構堂廡展報稱於在泮藻
芹則覆幬持載之廣運何由覲高深而衍統系雖

聖德如天溥博不以增損一堂廟有所汙隆顧士之誦法
服習者何以康焉蓋他郡昔屬元江康熙閒已有補弟子
員者特尙未設專官雍正壬子土夷訐始設別駕主之乾
隆癸巳改隸普洱分定學額五名置司訓以董治子矜未
遽請頒祭需建置學校比年來登賢書者已十餘人仍因
普洱府志稿 卷之四十八 藝文志一 雜著三

陋就簡春秋釋奠典廢弗舉僅於八月二十七日具牲醴
設位祭於 文昌宮藝瀆典制莫稱肇禮其所關係政教
隆替甚鉅殆亦庭廡諸賢所痛心也眾志所感詢謀僉同
今訊以 文昌宮徙建舊址之下以舊奉祀之桂香殿改
建如

大成殿制中增置兩廡櫺星門門以外置名宦節孝鄉賢
祠制度略備鳩庀經始凡他郡二里有半類讀樸耕之民
莫不踴躍感動輸將子來不敢自外於聖人則彝良之好
可覩矣夫

至聖立人之極與天地參非特士大夫衍鬯正學闡扶天

理以存人心於不死旁逮工賈商旅諸家方技者流凡有
氣血莫不流浴

至教含和滌穢以期此身無自蹈禽獸之域茲之創建事
重費鉅而適愜乎千萬眾心之所同安固知力易辦事易
集教化易行而風俗日益粹美莫不服教畏神以共濯磨
爲

感世秀良之民將此一役啟之也夫聖人以萬世爲世以
天下爲家如日之在天水之在地而常在千萬人志意之
間他郎雖草創樸略要期仰孚億萬禩戶彌斯民至意在
天陟降儼在斯矣若夫地脉福利之陋說非所敢褻談於
普洱府志稿
卷之四十八
藝文志一
雜著三
聖廟閭也謹序

靈源宮關聖殿碑記

嘉慶二
十三年

知府
署道 嵩祿

原夫地不愛寶而寶藏興山則效靈而靈泉出斯固然矣
顧非有默爲之宰者則其實不彰非有應乎其時者則其
靈不顯普郡僻處滇末舊名產里距城三塘有餘岡巒雄
峙林壑曼衍拱向環抱形象萬端則石膏并在焉枕象面
獅曲水如帶氣佳哉鬱鬱葱葱然是殆扶輿之精所磅礴
而融結者緬自乾隆五十四年郡士民合力捐資初尋瀆
而討源繼鑿山而獲礦青紅攸分純雜相間至嘉慶五年
而正供始成異哉豈所謂形鹽卽卽鹽積滷所結其形如

虎者非耶於斯時也商賈駢臻煎煖絡繹疑而實者正策不待乎伐薪煮而成者宿滷無虞於短綆上資

國計下裨民生然則孰主宰是而乃應候發皇令其利如此之溥哉曩者產鹽之地旣建

龍神祠敬荅鴻庥繼則

攘剔榛莽疏濬泉石復建

靈源宮於出水之源昭歲祀也乃士民等尤有勤求福

國佑民之心曾迎

關聖像供奉 龍神祠中其亦覽山西通志所載解州聖里有鹽田焉爲蚩尤作祟水忽盡淡祝威靈驅遣滷乃如故因聞而興起者乎然未有專殿何伸虔恪今士民等

普洱府志稿

卷之四十八

藝文志一

雜著

三

公議於 靈源宮之右拓地高爽捐資庀材擇吉興工新建

聖殿三楹東西翼以兩廂前構配廳以壯觀覽丁丑之冬士民等來請余記其事余兩守斯土兼司井務竊念此疆之開闢久矣而鹽之顯乃會於茲旣欣嶽瀆之宣靈更幸閭閻之攸濟較之山出器車地產醴泉者不大邀坤元之資生與羣神之嘉貺也哉落成之日另塑

聖像裝嚴畢具仍迎前請

聖像於殿座春秋吉祀時祭聿修以符眾志之誠以崇祈報之典由是仰賴

神威之永鎮與 龍德之普施福被遐陬庶蒙商竈邊氓
之飲和食德者綿延悠久美利不窮是則守土者所虔祝
於弗替者也記

他郎觀音山記

河陽教諭張端 他郎

元普之閒山有銳而高者多以觀音名予惑焉或曰南詔
封山以棲霞爲南岳凡山之有靈異者皆以此名亦崇佛
之意也予心識之乾隆己亥予往李仙由焉龍村南行十
餘里陡見孤峯峭立鳥道盤空上懸危石突怒偃蹇若猛
獸奇鬼狀下臨深澗孔靜幽默當中古木拳曲薜蘿縈繞
牽制墜木欲下不下谷風驟至游行還往如龍龍之御空

普洱府志稿

卷之四十八

藝文志一

雜著

三

然予駭視久之僕夫告予曰此觀音山也中多異物人每
每見之不時猶聞鐘鼓之聲予笑其誕而不答抵山麓聞
犬吠聲茅舍隱約自林薄閒出二三牧童若奔告者頃見
老叟邀予至其家烹茗縮酒歡如也因得悉茲山之勝焉
坐中有李姓者自言康熙壬寅生曾記弱冠與村人某某
逐鹿其巔迷其途飢渴之甚於石上得泉攬之不及盈掬飲
不能盡咸異之行數武得半畝之邱韭薤青葱可悅掇而
食之甘美遂忘飢緣岡而下石壁牆立石劍穿於其隙按
之則入引之不出歸而迹之第見黃葉滿山杳不知其處
矣山南隅有風穴當徑草木盡偃雖暑月經之凜然有衣

裘想下有石若牛以鐵索貫其鼻至今薄蝕已盡猶有及見之者或曰此蠻王馴象石也循嶺而北過清冷之溪古洞奧然高臨空際騰之而上難容足跡洞口石室宛然類智者所設施每月明之夜嘗有老翁箕踞於此喚犬故土名以爲克扎云予始聞而疑之繼念郎郡東南極邊之地與安南南掌接壤黑塞青林百里無烟如連山之蛇吐霧迷天鴉洞之犀光能照乘此其習見者也他如蘭芷江頭飛仙御馬丁琶巖畔鬼帥徵兵非其尤異者歟凡人意想所及之事皆宇宙間必有之事齊諧誌怪于寶搜神尙不無遺漏也爰誌之以爲探奇者之一助云

普洱府志稿

卷之四十八

藝文志一

雜著

威遠廳志序

雲南巡撫 顏伯燾

滇在京師西南八千餘里古爲要荒之服而威遠又居滇極南雍正以前尙爲土司所轄其設流官而濡

聖化僅百餘年耳山川物產之名不見於經史開闢日淺疆土雖拓多屬不毛財賦所出無幾風俗則夷漢雜居人物之盛文章行誼之美卽有一二可觀度未能彬彬蔚起與中土爭衡者也然而事必有所由始而後克觀厥成古之成邑成都號稱富庶者未有不緣蕞爾草創而起設鄙爲僻陋不舉目前可紀者筆之於書後之人雖欲追爲纂輯而不可得余甚病之考威遠在漢爲益州郡徼外地南

詔蒙氏置威遠賧屬銀生節度段氏時爲金齒蠻酋阿只步所據元世祖討平之中統三年以地屬威楚路明洪武三十四年置威遠土州屬楚雄府當是時生其地者草莽狂獠未通聲教土司復從而虐使之幾於無復聊生迫我國家之混一區宇也

列聖相承洞悉邊地土司之害一舉而改土歸流於是出之水火之中而處之光天化日之下俾化外種人鑿井耕田與內地編民等其覆幬所及固不僅威遠一廳而威遠亦無不在覆幬之內官司承乏來此大綱小紀犁然燦然有所遵循而弗敢失詎非

普洱府志稿

卷之四十八

藝文志一

雜著

三

聖天子之德洋恩溥而竊祿邊陲者之幸歟廣集見聞觀陳利病以備太史輶軒之採守土者所不敢廢也權司馬東海謝令爲治頗有聲案牘餘閒以著述自任既得前在夏大使志稿而增修成帙以請序於余余見其縷析條分大端已具深躋令之用心而猶有說焉威遠固邊地也憶自嘉慶年間猥黑蠢動先大夫以鹽道帥師剿平之旋奉旨調任迤南趨庭之暇提命及之茲仰蒙

恩眷開府此邦常恐不克負荷以貽先人羞展卷省躬輒增感歎今日承平已久守在四夷容不必復述曩日事而地以威遠爲名官以安邊爲要所願繼謝令之後者循覽

乎志之所已詳而并加意乎志之所未詳則書非無用之書而循良報最即於是乎在矣

威遠廳志序

道光丁酉

署威遠同知

謝體仁

雲南爲古荒服設官分職爲直省保障自迤南一帶府廳州縣又爲滇省保障邊徼宜慎斯地志不容不詳威遠一區外界乎鎮恩景陽南接乎孟連緬甸磨外河走其中小黑江環其外周圍八百五十里內而三猛十七鄉抱香十井威屬九街如碁布星羅之散著總之山多崎嶇地少平曠舊爲羣蠻窩巢有明以前禱倣論之屬杰起而自立酋長號其地曰猛卧洪武初年始入版圖乃更名威遠要猶普洱府志稿

卷之四十八

藝文志一

雜著

三

是羈縻而已

本朝膺圖受籙疆寓日廓順治十六年收雲南圖籍威遠猶爲土州雍正二年改土歸流置撫彝清饒同知分屬鎮沅乾隆三十五年改而隸諸普洱府地有麟鳳龜龍四山環繞而廳治特建於抱母龜山之麓地據上游實扼控制之要猛戛置一經廳遙爲首尾相連之勢而參將守備諸武職坐鎮威遠分千把總防禦諸處要害更於大箏打環雙江猛撒以至打歇打束秤怕疊等區爲大江隘口責土司以帶練巡防洵哉邊塞之經畫區處周詳完善矣是以百餘年來邊方胥靖人民安耕鑿之天漢夷雜居比戶食

平康之福而人事詩書家肄禮樂掇科第登仕籍者且日
與上都比隆焉又不獨丁糧鹽課賦稅財貨利媿乎中州
可稱爲一大都會也生其閒者既幸遭遇乎斯時牧斯土
者孰不樂相與有成丙申春奉上憲委任此都下車之次
日臨院講學因詢諸父老以威志僉曰威舊無志僅前任
夏公鼎集有抄本略而弗詳適聞之不禁慨然曰志者記
事之書星野疆域著其中井邑建置著其中風俗人物亦
著其中所以叙牧守之成勞備六憲之考稽而供輜軒之
採訪者也

國家重熙累洽聲教四訖早著

普洱府志稿

卷之四十八

藝文志一

雜著

大清一統志雲南亦有通志前此筮仕來滇歷任宜良定
遠姚州繼以親老告還率河南通許尋復回滇任南安所
歷郡縣莫不有志以彰厥盛軌威邑雖僻處邊陲亦既涵
濡乎

聖德文物聲明駸駸日上安得以數百年來之積事不爲
載諸典籍陳諸政府用昭同軌同文同倫之盛乎適景東
李鄂樓孝廉掌鳳山書院時相過從互爲考證孝廉遂於
學所居與威境相接見聞最切並於邊防鹽務之暇與都
人士悉心訪輯罄邑中所有而分類羅列之前之沉殫不
著者今得附通都以入籍此誠牧宰之責也謹勒成編付

之梓人用列其序如左

孝子楊作梅傳

甯洱拔貢

吳鎮稽

楊作梅者甯洱人府庠生住猛短村幼習詩書深知孝義有勇力嘉慶九年五月初四日猓匪千餘焚掠前村生與胞兄品義從兄耀龍團練戰於慢瓦左手帶刃重傷猶鼓勇爭先猓匪知名烏獸散次日賊復至生父崇彬忿子姪不慣爲戰復團練與賊戰於小寨賊敗走追至大寨中伏而死兄品義左眼胞帶弩重傷生單臂衝突潰圍而出痛父死難夜偕其門徒胥書林往劫賊營賊眾自相踐踏生斬首三級活擒賊匪一人解城邑宰張愨田獎其功賞以普洱府志稿卷之四十八藝文志一雜著三

普洱府志稿

卷之四十八

藝文志一

雜著三

錢次年十月生創發遂卒嗚呼生之勇而孝也始終不惜其身而卒致復仇雖因傷以死而亦何憾也夫是不可以不傳

舒節婦傳

廣西灌縣知縣

施甘霖

澂江

節婦舒王氏者甯洱人舒傑之妻也其父爲同里王成榮母李氏氏幼質樸有至性年二十二于歸舒氏益謹恪執婦道夫以貧編名行伍蕭然四壁而唱隨甚得素無詬詈聲布衣木屐躬親井臼泊如也嘉慶初年歲饑穀價騰貴夫攜饑歸簸揉而分貯之精鑿者供二人糠米自給焉適舒三年生子一夫因從軍九龍江遇瘴以歸遂没氏負孤

子經營窳窳備極酸辛當是時翁姑俱七秩矣氏慟夫之未終親養也事舅姑倍謹雖菜羹必投所好以衰年齒落多嗜粥雜以豆漿益嗜食氏遂業淮南術午夜孜孜井竈閒不輟娣姒俱憫之舅姑感其勤而苦其節遣人諭之曰爾無夫我尙有他子即爾子亦可代撫爾煢煢無相累也氏涕曰婦之志尙不見信於舅姑即從一而終命也亦性也既歸此門未亡人願得終身侍奉高堂以終夫子之職翁姑知其不可奪遂聽之貧無產業因貸於所親使織紡翁卒時典衣營兆娣姒雖却之不可子漸長出就傅無力買書或假以舊本供讀師憐其乏饋館穀不受事姑至八

普洱府志稿

卷之四十八

藝文志一

雜著

三

秩外姑得啖嗽症在床褥者逾年氏侍醫藥調滑甘卒療姑疾越明年姑以壽終氏哀毀逾常合塋於翁從翁命也翁姑既塋教子彌篤越二十餘年而子希賢乃成立授室且抱孫焉氏性嚴正維教幼孫凜凜不稍貸人以爲其苦節後宜昌即其家法子孫亦必無縱佚云

新建普洱府宏遠書院記

池南道

陳燦 貴筑

光緒乙未春余奉

天子命來巡池南下車課士見郡城鳳鳴書院湫隘塵囂因慨然曰古人鹿洞鵝湖以廣廈庇多士者殆不如是爰謀善地而遷焉相度於城西蓮池上得守備廢署地址以

舊院址易之購民地以益之文武士民詢謀僉同捐廉籌
貲景從響應命舉人黎榮清武職華文龍董其役工罔弗
臧材罔弗良經始於丙申十月落成於丁酉八月名之曰
宏遠書院重門有伉院宇式廓繚以周垣蒔以花木師生
齋舍環列五十餘間中構講堂五楹其上爲藏書樓體制
崇閎每一登臨千家之煙樹萬頃之禾麻與夫山川雲物
之詭奇莫不奔赴几席閒遊目騁懷豁然開朗其門外數
十武卽蓮池池中央爲澂清亭四圍荷香柳翠水氣侵人
鷺嶼魚汀極飛躍活潑之趣諸生以此爲藏修息游之地
洵可以開拓胸次涵泳性天矣而又慮其化導之未周也

普洱府志稿

卷之四十八

藝文志一

雜著

罕

增設經師以訓課之見聞之未富也廣購典籍以擴充之
寒畯之俯仰無資不免牽累其形神無以專精於學業也
籌加高材生膏火俾其專心肄業以體恤而陶成之其學
規壹是做余前權鹽篆時所訂經正書院章程而歲支出
入經費著爲定式都人士胥以爲善上之 大府亦蒙報
可乃於公餘之暇進諸生於堂而告之曰嗟乎迤南爲邊
要門戶余來斯二載有餘矣猥夷煽亂軍事旁午強鄰逼
處邊務紛紜簿書鞅掌日昃不遑而必勤勤於建院作人
者豈真書生結習未忘哉夫邦本所以立邊圉所以安其
賴以維持者人才也人心也苟學術不明則人才不興人

心不固見利忘義之習寡廉鮮恥之風一遇事變相率靡然雖欲立邦本安邊圉厥道無由昔李太白作袁州學記論秦漢之隆替歸本於學術之興廢而其諄諄焉論於眾者則曰俾爾由庠序踐古人之迹天下治則譚禮樂以陶吾民一有不幸猶當仗大節爲臣死忠爲子死孝使人有所賴且有所法是惟朝家教學之意余每樂誦其文謂其有關世教先得我心今之建院作人亦猶是此意也諸生得師友之淵源詩書之啟發由是朝夕切劘俛焉日有孳孳相務爲明體達用之學毋徒事浮華藻績之文行見養成大器德廣功崇出以其學爲

普洱府志稿

卷之四十八

藝文志一

雜著

學

朝廷楨幹才足以宏濟艱難卓卓建不朽業處以其學教化齊民使邊之父老子弟曉然於尊君親上之理凜然於禮義廉恥之防常則一道德同風俗不復有教雜言麗之患變則竭忠効命用克保障南陲以報我

國家二百餘年養士教民之德學術於此明人材於此興人心於此固卽所爲立邦本安邊圉者胥於是乎在此則余所厚望於諸生而相期有成者也諸生勉乎哉

激清亭記

普洱府
知府

陳宗海

會稽

普洱火維地山川奇陔激宕以無臺榭故無登臨觀覽之美士之秀者亦囿於見聞而無以疏瀹其性靈勃發其興

會歲丁酉觀察使貴陽陳公閱普士之失學爲之勸建書院於城西北隅蓮花池上遴士之秀者肄業其中月課季程不葺年而士知嚮學文風丕變公政事之餘輒至院爲諸生講解不少勸時或徒步見池中有土隆然曰是可以亭得景當有異乃芟榛莽構基址從而亭之畫檻綺疏卧波瞰月亭外芙蓉藻萬本田田蔽空微風偶至颭翠鞞紅輒習習作商聲奇芬沁脾逾時且不歇而遠山萬疊如屏如翼如鬟各陳几席而無遁景夫士之爲學也當先豁其目清其心若乃龐涓湫隘所居近市則必至於牽於所欲失於所溷而其天必不鬯故夫古人於魚之躍鳶之飛山水普洱府志稿

卷之四十八

藝文志一

雜著 望

之清雄奇峭皆能有以悟道妙而借助於文章其取資於景與物者蓋如此矣諸君子發登陞之餘仰觀俛察蓋以發其藻思鳴其天籟以蘄合於古人而勿負陳公作育之感心則此亭之以人傳者當於是乎在

烈婦李雲貞碑記

廣西州 陳度 舉人

嗚呼千古人倫之變至斯而極矣以天性之親導之以至穢之行導之弗聽而督責之而撻掠之而剝又肌體以痛毒之至于死而心莫之渝而節全焉如烈婦李雲貞者至可悲已婦甯洱人幼適縣民黃大章姑袁氏老而悖小姑祖英淫而虐遇婦酷婦敬之弗敢衰而遇之滋益恭家故

不中貲業旅店有客闖婦美心豔之以多金留袁欲一通
殷勤探其意則婉拒之袁既受人金而事弗諧請以女代
客非所欲不之願且索金歸袁怒謂婦曰汝爲吾家婦而
家故貧何用貞爲從我且得金否則鞭撻隨之矣婦弗許
祖英詣之婦語侵祖英袁益怒大加捶楚大章自外至袁
隱其故而愬其惡大章痛毆之骨折是夜袁與祖英謀繫
婦手足劓其舌荆其乳椽杙其下竅以死事聞有司以事
慘刻非人理恩義已絕袁擬大辟祖英縲首大章城旦春
皆論如常人律爲婦封墓而碑以旌焉嗚呼婦一荏弱女
子耳導淫者出于姑而弗從至死而不變世有甘心污賤

普洱府志稿

卷之四十八

藝文志一

雜著

三

不必誘以甘詞毆以威力加以刀杖昧昧焉自失其節而
莫之恥者其亦有以媿已夫

菁莪草堂記

思茅訓導兼
普洱訓導

臧勳

昆明

普洱鬻宮明倫堂後舊有廣文住室一院前迤南道沈意
文觀察師飭學博張君所建多歷年所重以地震傾圮光
緒丙申建水韓君德芳倡捐興修鳩工庀材親襄厥事自
春徂冬將竣工匆匆以遷秩去余兼權其篆囑予爲額記
其顛末余維廣文先生官之冷者也而國家寄適人木鐸
之任凡鄉三物六行皆宜有以訓迪教勅之以蒸俊髦以
廣樂育稱職良不易易然則廣文之職其以作人爲亟乎

按照三百四十分擔攤捐而竈戶李大章等復赴省翻控十六年余任雲南府兼護鹽道篆奉大憲檄委審當傳訊磨竈李大章等與甯紳朱宜春等查明案情始末秉公衡核酌斷兩造悅服均具遵結由余擬詳定案其詳詞畧曰查竈戶李大章等前與李雲等所開之寶興井既經勘明非在致和井舊址內自非私佔可比惟甯邑土民向開各井或封或廢惟該竈戶等獨開此井并非佔舊井之故基利則擅舊井之全利該竈戶等以外來客民辦甯邑之井食甯邑之利究宜與甯人休戚相共痛癢相關甯邑地本邊瘠兵燹之後地方諸待培植而利源僅祇井鹽一項脫

普洱府志稿

卷之四十八

藝文志一

雜著

聖

令土著士民仍襲煎銷之舊則凡興廢舉墜以及隆學校備水旱爲防邊固圉計者自必情殷桑梓無待迫之始爲今因竈戶籍隸他屬遂不啻秦人之視越人李大章等實重利輕義竊以此案朱宜春等之纏訟皆藉地方爲詞而李大章等之翻斷則恐分擔徒歸私囊垂涎者接踵而起欲服井竈之心而息後來之訟惟有一以實在濟公爲准斷令李大章等仍遵前代理迤南道唐道原斷於三百分擔之外再加四十分擔共成三百四十分擔卽以新加之四十分擔永遠歸作甯洱闔縣善舉由迤南道督同井官另行選擇妥實之人招佃承煎收息按年造冊通報並榜

示闔邑仍先由池南道確加體察凡備荒賑貧養士勵學等項於地方關係切要者分款釐定章程量所收之鹽租以爲開支之定數通詳立案勒石永遵此項歸公四十分擔俟詳奉批准之日該竈戶等卽遵照交官招租不得仍前抗延干咎以地方之公利濟地方之公用竈戶固情義所應爲紳民自貪嫉之咸化庶土客永可相安訟蔓亦無自而起矣至照費銀一萬兩請如數豁免以示體恤而昭平允詳奉督憲王撫譚公批准立案一面由余發給三百四十

分擔執照一面移請前護池南道劉公轉飭石膏井提舉

江君將磨井現加歸公四十分擔招商戶楊漢書等承煎

普洱府志稿

卷之四十八

藝文志一

雜著

巽

納租每石每年認納九成直銀二十五兩折合紋銀二十二兩五錢四十分擔年共上納井平紋銀九百兩由提舉征收按季解繳道署並飭甯洱縣劉君會紳擬定義舉章程由道轉詳亦奉督憲王撫譚公批准立案二十一年余赴池

南道任據甯紳曾良等公呈陽奉陰違弄巧遮天懇恩賞准具結認辦出礦煎熬以杜朦弊而重義舉各情當批行普洱府陳君會同石膏井提舉許君秉公核實辦理務將四十分擔劃撥清楚以符原斷嗣據陳許兩君會稟認真妥籌另招股實商戶李制堂等分領四十分擔礦土承煎納租每擔每年照前租加井平紋銀五兩每擔年合紋銀

二十七兩五錢四十分擔年共上納井平紋銀一千一百兩仍照舊案按季由提舉批解並實立甯興義舉四十分擔招牌名目以昭覈實而垂久遠嗣後甯紳磨竈不准再有翻異以期杜絕訟累均由余詳奉督憲崧公批准立案轉飭一體遵照辦理各在案先是余訊此案時某公謂余日子盍算合四十分擔年獲租銀若干令磨竈年出此銀給甯人爲善舉而不斷給四十分擔可乎余曰不斷給分擔而僅令磨竈年出銀給甯人其權操之竈戶歲久恐不無變更斷給分擔與甯人則甯人據此爲公產世業磨井一日不廢卽此四十分擔一日不更不如斷給分擔便某

普洱府志稿

卷之四十八

藝文志

雜著

公日子言是也案遂定至如唐公原斷則歸私三十分擔歸公只十分擔匪惟覬覦私利者聞風而起磨竈之訟累不休卽此私利所歸僅沾漑十餘輩物換星移轉瞬而旋售他人不過沾沾目前之小利孰若余之所斷以四十分擔全歸甯邑公用核實釐定義舉經費以爲闔邑教養資杜永遠之訟累溥久大之公利磨竈服之甯人樂之卽原控諸甯紳亦相與翕然安之非聖人所謂公則說者乎故樂記之其原控甯紳曰朱宣春華文龍錢盛黎榮清李錦元張鵬霄仲燕桂李煜培杜永科吳國彥華瑞藻吳志瀛柳得名薛占林宋興周李永芳楊蔭芬李應林例得備書

詩

他郎 文廟香樹梁歌

并序

甯州進士劉大紳元江

他郎舊隸元江今改隸普洱局於例不得有

至聖廟歲庚辰士子金棠等出私財剏建焉求棟樑山中
久弗獲一日球香箐土人以大木告則球香樹也球香玲
瓏如繡毬狀而香凡澗壑不經見獨此箐有之地因以得
名矣率工往度之蔽日干霄莫可仰視蓋千百年物也咸
色然駭俄而風作異香撲鼻不止伐之鏗鏗作金石聲其
長爲丈者九其圍尺者八境體皆馬尾紋丁香節斑斕異
彩四旁列數十株如兒孫然拔其尤者皆可用也於是

普洱府志稿

卷之四十八

藝文志一

雜著 吳

廟堂以成然其地東距城僅七里許耳數百年來官舍巫
祠纍纍相望顧何以棄置不用得長留至今也豈所謂材
大難爲用耶抑亦物之用舍有時非其時不出人亦不以
告耶夫士若是也已矣段生思誠徵詩於余因敬歌之嗚
呼視漢柏梁何如也

夫子廟堂滿天下香樹棟樑世閒寡他郎僻在西南隴自
古無人覆片瓦一詞有無非重輕

聖道日月昭昭行通經諸生獨太息仙宮梵院何縱橫深
林夜聞鬼神哭處處榱桷杞梓禿香風吹來絲竹聲匠石
山中顧大木從來小柱如卑人無端紛飾空斑璘一朝朽

腐卽崩壓檐悲角啼齊酸辛諸生仰行在闕里宮牆巍巍
到天止萬人奔走羣山開絜長九丈圍十咫遙想

夫子初生日多應此木雙葉披雨風露霜歷千古材大難
用今用之得傍門庭幸不朽平臨煙雲直摩斗甘心裁成
繩墨閒肯作青牛入水吼

蟠龍洞歌

池南道 黃士羸 湖北

西山之西勢巖絕石壁千尋立屹嶮神龍張口齒牙露萬
斛珠泉腹中洩羣山水勢透迤來傾流倒瀉不復迴石隄
橫巨如腰束兩岸對峙聞中開仰看精舍結天半瑤草琪
花環蓬萊我來捧酒薦神畢毛骨蕭竦氣寒凜坐聽激流

普洱府志稿

卷之四十八

藝文志一

雜著 巽

笑薄聲疑是龍吟水底波濤溢又疑羣空撞鐘伐鼓朝太
清碎訇鎗鞞韻不一石乳嵌空滴懸崖穿鑿不煩五丁力

此去傍通扳枝花

山前村名

仙源何處訪仙家

舊傳扳枝花村後洞壁內有太

乙山人仙蹟今
迷失不知所在

伏流七日水西見洞口足魚洞尾蝦

水見處名

為蝦洞魚蝦分產
兩處不相攙越
年年三月聞全啓大水一瀉二十里灌
入南畝農夫喜雨水不來山水來涓涓靈源無窮已

布穀鳴

布穀鳴天未明百鳥無聲農人心驚耒耜縱橫牛不得耕
布穀布穀爾獨何苦四年春書不雨三年冬書不雨勸農
使者前月來白酒青牛祭田祖神醉止使者舞綠楊下黃

聞滇中事

景東舉人 程含章 官至 巡撫

彩雲潛伏昆明湖蠻風颺發哀牢墟獾獾未靖猓黑動兩
 路軍行旁午書制府西扼維西險中丞南守瀾滄隅瀾滄
 之南猛班地屬威遠愁雲慘霧蠻煙鋪毒泉啞泉不可數渴
 喉一勺如封剗毛蟒綠蟻吐香瘴青紅斑駁虹霓如蠶爾
 猓賊獨耐久朝南暮北無田廬往者亦曾事剿撫資糧牛
 種天恩殊如以肥羊飼猛虎羊盡虎卧仍哮虐獸心野性
 難馴擾未經大創終獾獾維西孤立萬山裏雪風五月猶
 圍爐么麼獾獾素恭順彼何人斯剝其膚求諸鞭撻肆荼
 普洱府志稿 卷之四十八 藝文志一 雜著 辛

毒忍搜人婦欺人孤陽激陰驅使為亂一死猶幸逃鎖鈇
 籐弦毒矢不虛發獾狼豹豕為形模怪石巉巖亂荆棘赤
 脚飛步如坦途刀劍銃礮亦徒爾飛徵堅甲張之弧聞於會城
 造雙皮鐵葉甲五百副軍士苦沉重不可用蠻子踏歌拍手笑官軍老守其如

余我進彼退去復來生靈塗炭二年餘鬼火熒熒燒戰壘
 鬪體啞啞鳴山鳥大戶脫簪珥小戶鬻妻孥朝朝暮暮長
 短夫石糧十金不能到剛到軍前糧又無道府交催急星
 火三農何暇扶犁鋤彼蒼者天亦不仁饑饉疾疫相為瘡
 地維震動壓人口樵薪如桂米如珠蒙袂負箕遍衢路無
 人肯上流民圖瘍子朝生暮作鬼龍川蛇嶺多佳符天時

人事各有疚哀我滇人將卒瘞

朝廷節鉞授大吏風雨雷霆隨卷舒諸葛以謀致籐甲卞
莊以智擒於菟二虜長技在伏弩憑恃險阻能走趨邊徼
諸蠻亦能此撫而用之皆師徒以夷攻夷擒其腦官軍乘
以金僕姑如走韓盧搏蹇兔如張虞網圍饑狐惜爾良謀
不早用老師糜饟胡爲乎嗟我讀書愧韓范儒生敢謂知
孫吳回首故鄉一灑淚癡情惟有所天誅碧雞金馬降神
異虎豹兇象走紛拏噬之躡之報

明聖西南底定痼瘵蘇

普洱茶吟

甯洱諸生

許廷勳

普洱府志稿

卷之四十八

藝文志一

雜著

三

山川有靈氣盤鬱不鍾於人卽於物蠻江瘴嶺劇可憎何
處靈芽出岑蔚茶山僻在西南夷鳥吻毒萵紛鞞鞞豈知
瑞草種無方獨破蠻煙動蓬勃味厚還卑日注叢香清不
數蒙陰窟始信到處有佳人

坡詩佳茗似佳人

豈必趙燕與吳越

千枝峭倩蟠陳根萬樹槎枒帶餘枿春雷震厲勾漸萌夜
雨露濡葉爭發繡臂蠻子頭無巾花裙夷婦脚不襪競向
山頭採擷來蘆笙唱和聲嘈囀一摘嫩蕊含白毛再摘細
芽抽綠髮三摘青黃雜採登便知秬稻參糠麩筠藍亂疊
碧毳毼松炭微烘香醇醇夷人恃此禦饑寒賈客誰教半
乾沒冬前給本春收茶利重逋多同攘奪土官尤復事誅

求雜派抽分苦難脫滿園茶樹積年功只與豪強作生活
山中焙就來市中人肩浹汗牛蹄蹶萬片揚簸分精粗千
指搜剔窮毫末丁妃壬女共薰蒸笋葉籐絲重檢括好隨
筐篚貢官家直上梯航到

官闕區區茗飲何足奇費盡人工非倉卒我量不禁三椀
多醉時每帶薑鹽喫休休兩腋自生風何用團來三百月

文廟棟樑詩

思茅同知 王定柱

木鐸聲與帝載通陶鑄羣蚩造化功日星亘古無顯晦扶
輿呵護翔仁風泮壁億載徧血氣芸芸萬甸馨香同誰遣
偏風久缺路山川鬱悒排洪濛九夷雖陋子不陋豈有寸

普洱府志稿 卷之四十八 藝文志一 雜著 三

壤殊高穹時教鼓盪羣謀洽薦禮靈岫得神宮桂香湛漑
幾百載詩書醲郁道味冲別締斗垣此芹茹人天歡愜萬
古胸天不愛道地獻寶神物默牖般倕衷餐風饕雪千載
上逢時連茹羣山空妙香醅馥通鼻觀根如磐石柯青銅
綫路難齊萬牛力利輓肝蠻亦神工郢斤斷度出異彩軼
材况出陰沉中坐看翬飛崇俎豆屹爲南徼開顓蒙六籍
之文刪神怪至誠所格理則豐名言贊嘆那可盡投毫愰
喟天無窮

遠戍行 道光二年冬邊警
至三年五月撤防

歲貢 舒熙盛

男兒生在天壤閒勲名多在疆場上况受君王挾纊恩詎

辭荷戈清保障昨聞蠻觸起妖氛五猛人民空相向星馳
羽書來郡城籌邊急遣干城將旌旗蓋道埃塵遮劍戟弓
刀挺兵仗年少不識苦防邊老成相戒莫孟浪懸崖崎嶇
陰谷中籐蔓稠木飛煙瘴毒霧橫江象馬屯壘外黑雲接
丹嶂怪禽鳴張不避人嘍殘隴頭聲悽愴朔夜風雪徹骨
寒着身鐵甲怕俛傍鼓角丁冬響不停望來刁斗幸無恙
忽見籐花盤樹頭垂垂幾片落虎帳邈迤平原塹坑多春
過無聞採茶唱炎荒日烈不可當酷暑氣燄蒸肺腑草色
青黃癘煙濃斑藍時變千百樣征人保重寄叮嚀莫嫌相
持時日曠小醜近來斂跡踪關外瓜期非難望吁嗟蠻類
普洱府志稿卷之四十八 藝文志一 雜著 三
總無知蠢動豈可來相抗我獨緬懷蕉園王使君昔日守
邊不曾驚七邑

丁酉三月威遠小旱祈雨有應詩以志喜

署威遠同知 謝體仁

赤日蒸暑溽浮雲被風促禾苗將枯稿粒米等珠玉三農
望澤殷咄咄徒手束念我一方民拮据不堪矚官民共積
誠罪已禱所欲天鑒眾人心油然密雲續崇朝雨滂沱霎
時均霑足田疇潤成酥山腰見新綠日前將枯禾遠近如
膏沃閭巷頓騰歡吾亦快心曲何時屆西成家盈倉粟
稽首念神庥勤苦各自勗

西嶺溫泉

教諭 楊溥 蒙自

嶺外泉流古洞旁，蒸蒸暖意却清涼。
憑將地底丹砂氣，洗盡人間冰雪腸。
風靜波澄搖扇影，花飛鏡展滿衣香。
春沂浴後歸吟晚，幾樹輕煙聞夕陽。

仙洞春雲

西山洞隱古飛仙，縹緲雲深護碧巔。
出岫斜遮寒葉徑，隨風偏作養花天。
孤鸞駕杳添新靄，野鶴巢閒鎖淡煙。
不識丹成人在否，巖邊舒卷自年年。

城畔荷風

百尺城高勢獨雄，芳塘半畝送輕風。
凌波兩過香初滿，倚普洱府志稿 卷之四十八 藝文志一 雜著 蓄

檻陰濃爽更通翠，挹二篙新水畔涼生。
一笛畫橋東，此花自古稱君子，不與羣芳競淺紅。

茶庵鳥道

崎嶇道反鳥難飛，得得尋芳上翠微。
一徑寒雲連石棧，半天清磬隔松扉。
螺盤側髻峰嵐合，羊入回腸屐迹稀。
掃壁題詩投筆去，馬啼催處送斜暉。

郎署書懷

通判 王定柱 直隸

天語親承二載過，暫停疲馬此婆娑。
千村赤子關心久，萬疊青山繫夢多。
芻牧有人勤撫字，俸錢慚我累催科。
一樽試味甘棠露，洗遍蠻江瘴癘和。

弔楊氏一節

二氏係同胞姊妹遭壬子裸變齊赴東山自盡

捐照磨

段增輝他郎

姊妹同心立大綱青年義烈著芬芳全無塵垢留川野別有英靈繞楚湘正氣雙凌嵩嶽峙清名並挹芷蘭香空山憑弔愁淒冷幾字丹書映夕陽

時危勢迫值窮途清節於今說兩姑守義惟知同殉節全名豈復惜捐軀月明雙影魂成玉雨過千林淚是珠攜手同歸名不朽詩人慕義弔湘梧

弔陳車氏陳鄧氏二烈婦

二氏係姑媳遭雍正壬子裸變同盡節於西山小猛

漣

普洱府志稿

卷之四十八

藝文志

雜著

九十餘年事已過尙留貞蹟在山阿猿啼虎嘯悲仙女露冷風淒泣素娥羞比落花隨逝水願同勁草占貞柯捐生千古名猶在撫景臨風寄慨多

頓起烽煙勢莫支羞隨橫俗共流離舍生慷慨真能爾就義從容更有誰同矢堅貞堪自問成全節烈繫人思一門姑媳膺旌獎姓字常新道左碑

迴峰夕照

署他郎訓導

朱廷碩

暝色蒼茫落照遲迴龍寺裏晚風吹鐘聲寂寞黃昏後人影蕭疎白醉時指點牛羊過西嶺心關烏鵲匝南枝閒尋衲子清談久歸路頻看月似眉

茶菴鳥道

山徑崎嶇不易平連山矗矗勢崢嶸失羣鳥向風頭合迷
道人追虎跡行一線路通天下上千尋峰夾樹縱橫扶筇
千丁歸來晚猶幸菴前夕照明

迴龍夕照

甯洱縣知縣

單乾元

迢鬱迴龍寺殘陽帶雨收霞明山市晚風冷院松秋人影
牛羊路經聲鐘鼓樓登臨多逸興何必問丹邱

東岑蘭萼

巖岫緜幽谷崇蘭競吐枝雨來新沐後人去獨香時騷雅
湘江怨閒情溱洧詩可憐煙瘴地素影結心知

普洱府志稿

卷之四十八

藝文志一

雜著

美

城畔荷風

芳塘幽折路何必泛仙槎座絜清流土行看君子花綠搖
雲過雨紅墮水鋪霞鷗本忘機友飛經雉堞斜

迴龍夕照

晷度周行倦餘暉倒景收峰迴三面冷樹響半天秋待月
人依檻看雲風滿樓薊門如可到幾欲問浮邱

龍潭秋月

夜色明如曙貪涼坐野汀月高山斂氣秋老水收腥桂影
疎依寺荷聲響近亭俄時蟲語切微物也含靈

普中春日竹枝詞

舒熙盛

北門大啓開元宵身世從今百病消一路香風人過處鬪
雞燈下漏迢迢

鸚鵡簷前屢喚茶春酒堂中笑語譁共說年來風物好街

○早賣白棠花

老漁高鋪草新添巖洞幽居僅半檐打得石花魚正美和
羹先試水晶鹽

上巳剛逢三月二平橋綠柳翠煙含行人莫下江壩去山
路崎嶇是迤南

攀枝花樹照村庄布穀聲中農事忙喜趁連宵春雨足樓
梯田早盡栽秧

普洱府志稿

卷之四十八

藝文志一

雜著

陳君先謹與其妾徐氏殉難詩

普洱府知府

陳宗海

會稽

南來捧檄位非尊萬里崎嶇老淚痕月暈邊城新喋血風

寒鄂渚未招魂閒身敢謂無官守

君權石膏并大使已交卸

致命原思

報國恩漫道貲郎少卓識一腔忠憤與誰論

君殉難時賊酋尹建中謂

君曰納貲小吏何必輕生君曰我納貲吏尚知報國汝冠乙科乃不識一忠字耶

頻將身教化深閨難得同心有小妻共命烏殭香玉碎並

頭花萎露珠噉全家亂世甘泉壤一縷芳魂散鼓鼙浩氣

凌空應不死白虹天矯繞雌霓

猛版田

署甯洱縣

謝詩純

亂疊荒山數畝田夷家五六聚溪邊午騰火燄燒空日夜

緊霜寒欲曉天枕側驚聞豺虎嘯樓低笑傍馬牛眠爲言
露宿前途遠斷絕炊煙替我憐

兩鳥民有來謁予者言之泣下書感

荒荒茅茨幾山村蠶食強鄰版籍存猛虎政苛夷國治哀
鴻誠戀聖朝恩難禁話別猶拋淚替念驚疑未定魂願請
太阿三尺劍赫然一怒肅乾坤

猛戛經歷高君廷桂閣門殉難詩

廣西州舉人

陳度

高桂廷家豫章六千里宦邊疆身與顛脫作霖雨膏此黑
濮白燹化莠皆爲良升斗之祿八品耳乃能常爲景倩變
爲臬卿與睢陽平生捧檄一色喜板輿迎養母曰梁夫人

普洱府志稿

卷之四十八

藝文志一

雜著 五

賢系出永叔兩姬陳李芳年恰相當弟妾周姬亦靜婉和
順雍肅藹然徵閨房阿嬭李媪氏則莫攜子榮焱孤弱亦
堪傷穎士之僕康成婢素聞義烈知綱常妖星睽睽明貪
狼白日黯淡天無光逆回蔡會大舉忽壓境狂如猛虎驅
眾俛糧盡援絕鼓聲死陣雲隕壞如堵牆君臨母曰事急
矣忠孝兩全殊無方母麾君出母我顧守土之義城亡當
與亡寶刀在鞞怕抹首手提殘卒半裏創力摩堅壘不能
下萇弘之血流沙場母和鳩妻侍旁次及兩姬次周氏李
媪與婢忽前致詞聲琅琅夫人豈必我遐棄請飲餘瀝甘
之如蔗漿榮焱陳僕亦殉義仰藥外舍無倉皇大清咸豐

十年閏三月孤臣舉室殉國天南荒乾坤正氣一門鍾之
遍完此忠孝節義亘古何堂堂我纂郡乘得梗概潛然出
涕悲國殤作詩待補碧血錄毫端白虹隱隱生寒芒

普洱府志稿

卷之四十八

藝文志

雜著
弄